

մարդ էր: Ես յետոյ առիթ ունեցայ շատ բաներ լսել նրա մասին, որոնց բոլորի մէջ փայլում էր նրա անհամեմատ արիութիւնը: Քարաւանի պետը չէ կարող երկչոտ լինել, երբ միշտ վտանգների հետ կռիւ ունի: Բայց նա աւելի քան արիասիրտ էր: Նա ընդունակ էր մի ամբողջ զորագունդ կառավարելու: Նա զուրկ չէր եւ մարդասիրական զգացմունքներից. ամէն դէպքում ես նկատում էի նրա ունեցած մեծ հակումը դէպի բարին եւ դէպի լաւը: Այդ պարապմունքի մէջ, որպիսին նա ուներ, պահպանել այնպիսի մաքուր բնաւորութիւն, դա ինձ զարմացնում էր: Բռնակիր ծիապանները, ջորեպանները, անդադար գործ ունենալով անասունների հետ, այնքան կոպտանում են, որ մի աստիճան միայն բարձր են լինում անասուններից: Բայցնայ ջորեպանութիւնից համարեա մի արհեստ էր շինել եւ այնքան կատարելագործել էր, որ ես մեծ զարմանքով էի տեսնում այն կարգը, այն կանոնները, որ տիրում էին նրա քարաւանի մէջ:

Լապտերները հետզհետէ մարում էին, ուղեւորների շարժողութիւնը դադարում էր, եւ քարաւանի մէջ տիրում էր խորին լռութիւն: Միայն գետի մելամաղձոտ ձայնն էր լսում եւ այն ձայնի մէջ կարծես ես կարողում էի քառասունհինգ դար առաջ այստեղ կատարած անցքերի պատմութիւնը...

### ԻԱ. ՀԱՅԿԱՅ ԲԵՐԴԸ

Դեռ արեգակը չէր ծագել, դեռ նոր զարթած թռչունները սկսել էին իրանց առաւօտեան ճլվլոցը, երբ ես աչքերս բաց արի, տեսայ՝ վրանի մուտքի առջեւ սպասում էին մեր թամբած ծիաները: Ասլանը ինձանից վաղ էր վեր կացել, պատրաստով էր, ինձ եւս ասաց, որ շուտով հագնվիմ: Արթինը վրանում չէր: Չորիները վաղուց արդէն բերել էին արօտից, համետում էին, գարի էին տալիս, որ, դեռ լոյսը չծագած, ճանապարհ ընկնեն:

Քարաւանը այդ րոպեում ներկայացնում էր մի վանք, որ կանխում էր հանդիպել տվնջեան լուսատոհին: Ամէն կողմից լսելի էին լինում աղօթքի եւ հոգեւոր երգերի ձայն: Ես միշտ ախորժանոք էի լսում, երբ մահմեդականը Ղորանից այաթներ էր կարդում. նրա ընթերցանութեան մրմունջը ինձ յիշեցնում էր ջերմ, հրաբորբոք Արաբիայի անապատները եւ այդ անապատների կրակի միջից յայտնուած կրակոտ մարգարէին: Որքա՛ն մեծ զօրութիւն ունի գիրքը: Մի գիրք, մի լաւ երգած գիրք, իր բարձր բանաստեղծութեամբ, իր հրաշալի լեզուով, կարողացել էր երկրագնդի մի նշանաւոր մասը կապել մի կրօնի հետ: Ես նախանձով էի նայում այդ մահմեդականների վրայ: Քարաւանի մէջ կային եւ հայեր, բայց նրանք չէին աղօթում: Հայը աղօթում է միայն